

## LAMPIRAN PEMBERITAHUAN PRODUK untuk Insurans Kemalangan Diri Right Cover

**NOTA PENTING: Sila baca Lampiran Pemberitahuan Produk ini sebelum anda memutuskan untuk mengambil Polisi Insurans Kemalangan Diri Right Cover. Pastikan anda juga membaca dengan terperinci terma-terma dan syarat-syarat amnya.**

### 1. Apakah produk ini?

Polisi ini menyediakan perlindungan insurans 24 jam seluruh dunia terhadap kematian atau hilang upaya kekal yang disebabkan oleh kejadian malang yang tidak disengajakan, keganasan, secara luaran dan ketara.

Produk ini disediakan untuk Warganegara Malaysia, Pemastautin Tetap Malaysia, Pemegang Permit/Pas Kerja di Malaysia atau suami/isteri atau anaknya yang sah atau pekerjaanya yang menetap secara sah di Malaysia. Jika Pihak Diinsuranskan ialah badan korporat, Pihak Diinsuranskan boleh menamakan pekerjaanya sebagai Orang Yang Diinsuranskan.

Had Umur untuk:

- Pihak Diinsuranskan atau suami/isteri/pekerjaanya mestilah berumur enam belas(16) tahun hingga tujuh puluh lima (75) tahun, dan boleh diperbaharui sehingga (80) tahun. Pihak Diinsuranskan yang berumur enam belas (16) tahun dan ke atas tetapi di bawah umur lapan belas (18) tahun mesti mendapatkan kebenaran ibu bapa/penjaga.
- Anak Pihak Diinsuranskan yang masih berada di bawah tanggungan kewangannya mestilah berumur tiga puluh (30) hari hingga lapan belas (18) tahun atau sehingga dua puluh tiga (23) tahun jika masih menuntut sepenuh masa di institusi pengajian tinggi yang diiktiraf.

### 2. Apakah perlindungan / faedah yang diberikan?

Polisi ini mempunyai 5 pelan dan jumlah diinsuranskan bergantung kepada pelan yang dipilih.

Perkara	Faedah-Faedah	Pelan A (RM)	Pelan B (RM)	Pelan C (RM)	Pelan D (RM)	Pelan E (RM)
1	Kematian Akibat Kemalangan	7,500	15,000	22,500	30,000	45,000
2	Hilang Upaya Kekal					
	• Hilang Upaya Kekal Sepenuhnya	7,500	15,000	22,500	30,000	45,000
	• Lumpuh Keseluruhan atau Terlantar Kekal di katil	7,500	15,000	22,500	30,000	45,000
	• Kehilangan satu atau kedua belah tangan	7,500	15,000	22,500	30,000	45,000
	• Kehilangan satu atau kedua belah kaki	7,500	15,000	22,500	30,000	45,000
	• Kehilangan satu atau kedua belah mata	7,500	15,000	22,500	30,000	45,000
3	Elaun Pengebumian	300	300	300	300	300

Tempoh perlindungan lazimnya adalah satu tahun. Anda perlu memperbaharui perlindungan setiap tahun melainkan anda telah mendaftar arahan pembayaran pembaharuan automatik untuk memperbaharui secara automatik, tertakluk kepada terma dan syarat.

### 3. Berapakah premium yang saya perlu bayar?

Premium yang perlu anda bayar mungkin berbeza bergantung pada pelan yang dipilih.

	Pelan A	Pelan B	Pelan C	Pelan D	Pelan E
<b>Premium Tahunan (RM)</b>	13.78	27.56	41.34	55.12	82.68

Nota: Premium yang dinyatakan adalah termasuk 6% Cukai Perkhidmatan (sebelum duti setem RM10).

### 4. Apakah yuran dan bayaran yang perlu saya bayar?

Yuran dan bayaran yang anda perlu bayar ialah:

Jenis	Jumlah
Cukai Perkhidmatan	6% daripada premium
Duti setem	RM10.00
Komisen ejen apabila melibatkan pengantara	25% daripada premium

**5. Apakah terma dan syarat utama yang perlu saya ketahui?**

- (i) Kepentingan membuat Pendedahan – MENURUT AKTA PERKHIDMATAN KEWANGAN 2013, Seksyen 129, Jadual 9, Perenggan 5: Adalah menjadi kewajipan pengguna untuk mengambil penjagaan munasabah untuk tidak membuat salah nyataan kepada penanggung insurans berlesen semasa menjawab apa-apa soalan yang diperlukan yang berkaitan dengan keputusan penanggung insurans sama ada untuk menerima atau tidak risiko dan kadar dan terma yang hendak dipakai.
- (ii) Faedah perlu dibayar jika Kematian Akibat Kemalangan atau Hilang Upaya Kekal berlaku dalam masa dua belas (12) bulan dari tarikh kemalangan.
- (iii) Bagi Faedah 1 (Kematian Akibat Kemalangan) dan Faedah 2 (Hilang Upaya Kekal), agregat peratusan yang perlu dibayar bagi mana-mana satu kemalangan hendaklah tidak melebihi 100% daripada jumlah prinsipal yang diinsuranskan yang dinyatakan dalam Jadual. Sekiranya jumlah 100% telah dibayar dalam Tempoh Insurans, Polisi ini tidak lagi berkuat kuasa.
- (iv) Tunai Sebelum Perlindungan – Anda mesti membayar premium sebelum perlindungan di bawah Polisi ini berkuat kuasa.
- (v) Pihak Diinsuranskan yang berumur enam belas (16) tahun dan ke atas tetapi di bawah umur lapan belas (18) tahun mesti mendapatkan kebenaran ibu bapa/penjaga.

**6. Apakah pengecualian utama di bawah polisi ini?**

Polisi ini tidak memberikan perlindungan yang disebabkan oleh Kejadian berikut:

- Sebarang jenis sakit, penyakit, virus, jangkitan atau parasit.
- Sebarang kecacatan fizikal, mental atau uzur, sebarang jenis sawan yang sedia ada.
- Melahirkan anak, keguguran, mengandung atau komplikasi yang berkaitan.
- Semasa cubaan untuk melakukan aktiviti yang menyalahi undang-undang termasuk tetapi tidak terhad kepada aktiviti ketika Orang Yang Diinsuranskan berada di bawah pengaruh alkohol atau pengaruh minuman keras atau arak yang memabukkan, narkotik, dadah berbahaya atau dadah-dadah lain yang memudaratkan atau bahan yang memabukkan (kecuali ubat-ubatan yang diambil mengikut preskripsi dan arahan doktor).
- Bunuh diri atau percubaan bunuh diri, kecederaan yang sengaja dilakukan oleh Orang Yang Diinsuranskan tidak kira kewarasan fikirannya pada masa insiden berlaku atau ketidaksiaman.
- Sindrom Kurang Daya Tahan Melawan Penyakit (AIDS) atau Komplikasi Berkaitan AIDS (ARC) tidak kira bagaimana sindrom ini diperolehi atau dinamakan.
- Semasa Orang Yang Diinsuranskan terlibat dalam pergaduhan atau demonstrasi.
- Orang Yang Diinsuranskan melibatkan diri dalam luncur air, sebarang aktiviti bawah air yang melibatkan penggunaan alat bantuan pernafasan (kecuali menyelam skuba), mendaki gunung yang melibatkan penggunaan tali atau jurupandu, perlumbaan selain daripada menggunakan kaki.
- Pembunuhan atau serangan yang disebabkan oleh provokasi oleh Orang Yang Diinsuranskan, keracunan makanan, gigitan serangga, ular, binatang perosak dan binatang.

Nota: Senarai ini tidak menyeluruh. Sila rujuk kontrak polisi untuk senarai penuh pengecualian di bawah polisi ini.

**7. Bolehkah saya membatalkan polisi saya dan bagaimana saya boleh berbuat demikian?**

Anda boleh membatalkan Polisi ini pada bila-bila masa dengan memberikan notis bertulis kepada kami. Sekiranya premium telah dibayar oleh Anda untuk tempoh yang menjagkai tarikh pembatalan, kadar jangka pendek yang lazim akan Kami gunakan dengan syarat tiada tuntutan dibuat dalam Tempoh Insurans.

Kadar jangka pendek yang lazim

Tempoh Diinsuranskan Tidak Melebihi	Peratusan (%) Kadar Tahunan Yang Dikenakan	Peratusan (%) Pemulangan Premium Tahunan
1 bulan	20	80
2 bulan	30	70
3 bulan	40	60
4 bulan	50	50
5 bulan	60	40
6 bulan	70	30
7 bulan	75	25
8 bulan	80	20
9 bulan	85	15
10 bulan	90	10
11 bulan	95	5
Tempoh melebihi 11 bulan	100	Tiada pemulangan

**8. Apa yang perlu saya lakukan jika terdapat perubahan dalam maklumat hubungan saya?**

Anda hendaklah memaklumkan kepada kami tentang sebarang perubahan dalam maklumat hubungan anda untuk memastikan semua surat sampai kepada anda tepat pada masanya.

**9. Di mana saya boleh mendapatkan maklumat lanjut?**

Sekiranya anda memerlukan maklumat lanjut mengenai insurans kemalangan diri, sila rujuk kepada risalah *insuranceinfo* mengenai 'Insurans Kemalangan Diri', yang boleh didapati di semua cawangan kami atau anda boleh mendapatkan senaskhah salinan daripada ejen insurans atau layari [www.insuranceinfo.com.my](http://www.insuranceinfo.com.my).

Untuk sebarang pertanyaan, sila hubungi kami di:

**AmGeneral Insurance Berhad**

Menara Shell,

No. 211, Jalan Tun Sambanthan,

50470, Kuala Lumpur, Malaysia.

Talian Bebas : 1-800-88-6333

E-mel : [customer@kurnia.com](mailto:customer@kurnia.com)

Laman Web : [www.kurnia.com](http://www.kurnia.com)

**10. Lain-lain jenis Perlindungan Insurans Serupa yang Ada**

Sila rujuk kepada laman web kami di [www.kurnia.com](http://www.kurnia.com)

**NOTA PENTING:**

**ANDA DINASIHATKAN UNTUK MEMBERI PERHATIAN KEPADA SKALA FAEDAH UNTUK KEMATIAN DAN HILANG UPAYA DALAM POLISI INSURANS ANDA. ANDA MESTI MENAMAKAN PENAMA DAN PASTIKAN PENAMA ANDA TAHU TENTANG POLISI KEMALANGAN DIRI YANG TELAH ANDA BELI. ANDA PERLU MEMBACA DAN MEMAHAMI POLISI INSURANS INI DAN BERBINCANG DENGAN EJEN ATAU HUBUNGI SYARIKAT INSURANS UNTUK MAKLUMAT LANJUT.**

AmGeneral Insurance Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

Maklumat yang disediakan dalam lampiran pemberitahuan ini adalah sah pada 1 September 2018.